

Ponuda sistema za POS Kasu

2016

ICTSOLUTIONS



POŠTOVANI,

ICTSolutions kompanija se bavi implementacijom novih i unaprijeđenjem postojećih informacionih sistema, koristeći najnovije tehnologije, već dugi niz godina.

U vrijeme napretka tehnologija, efikasnost poslovanja uveliko ovisi o informacionom sistemu na kojem se odvija dato poslovanje. Dobar informacioni sistem pridonosi poboljšanju poslovanja, te je važan faktor u današnjem vremenu.

S obzirom da smo upoznati u Vaš sistem poslovanja, i onim čime se bavite, nudimo Vam softversko rješenje sistema za Kasu, koje bi Vam olakšalo i unaprijedilo već postojeće poslovanje, uz veliku pouzdanost, jednostavnost korištenja, lakše praćenje i vođenje evidencije o zaposlenim kao i uvid u stanje finansija.

Vaši zahtjevi i želje su nam na prvom mjestu.

ŠTA NUDIMO?

Naše softversko rješenje obuhvata sljedeće segmente poslovanja jedne trgovačke organizacije:

Sistem za upravljanje kasom:

- Prijava radnika za početak smjene
- Odjava radnika za kraj smjene: po odjavi radnika na kraju smjene, kreira se izvještaj koji obavještava šefa o uspješnosti poslovanja radnika za vrijeme radnog vremena, razvrstan je prema načinima ostvarenog prometa (gotovina, virman, bankovna kartica ili ček)
- Dodavanje novih zaposlenika (kasira) u evidenciju od strane odgovorne osobe (šefa)
- Brisanje starih zaposlenika (kasira) iz evidencije od strane odgovorne osobe (šefa)
- Kreiranje izvještaja koji mogu biti dnevni, periodični ili vanredni od strane odgovorne osobe (šefa) - izvještaj može biti kreiran po različitoj osnovi. Trenutno su podržana četiri tipa izvještaja: izvještaj o ostvarenom prometu, izvještaj o uspješnosti rada kasira, izvještaj o stanju artikala i izvještaj o prodaji artikala

Modul za evidentiranje i praćenje funkcionalnosti vezanih za izdavanje računa:

Ovaj modul omogućava sljedeće funkcionalnosti:

- Izdavanje računa - izdavanje se odvija kroz tri faze: unos stavki računa, izbor plaćanja i štampanje računa
- Mogućnost izbora načina plaćanja i njihovo kombinovanje prilikom plaćanja računa, uz evidentiranje učinjenog - podržani načini plaćanja su gotovina, koji je ujedno i predefinisani način plaćanja, bankovna kartica, čekovi i virmani
- Regulisanje stanja prodatih artikala u skladištu po izdavanju računa
- Evidencija kasira prilikom izdavanja računa

- Evidentiranje informacija o prodaji, uključujući datum prodaje, artikle, novčani promet, načine plaćanja i kasira za izdati račun
- Kreiranje storno računa od strane odgovorne osobe –Isključivo šef ima mogućnost da stornira račun. Taj postupak jednak je kreiranju računa sa negativnim cijenama. Razlog tome je što je ovaj postupak sklon manipulacijama
- Sinhroniziran rad sa fiskalnim printerom

Evidencija stanja artikala:

- Evidentiranje stanja artikala koji su dostupni u skladištu
- Unos novih artikala i brisanje postojećih artikala od strane odgovorne osobe (šefa)
- Manipulacije nad cijenama i količinom artikala od strane odgovorne osobe (šefa)
- Evidentiranje prodate količine artikala
- Upozoravanje o dostizanju kritičnih zaliha za pojedine artikle

ZAŠTO SE ODLUČITI ZA NAŠ SISTEM?

Korištenjem našeg softverskog rješenja moguće je ostvariti sljedeće benefite:

- ✓ Bolja organiziranost rada i poslovnih procesa
- ✓ Bolje opsluživanje korisnika
- ✓ Brži rad uposlenika
- ✓ Poboljšano praćenje novčanih tokova, uključujući novčane troškove i dobiti
- ✓ Smanjenu potrebu za velikom količinom papirnih dokumenata
- ✓ Jednostavan pristup, analiza i obrada svih poslovnih informacija
- ✓ Jednostavno poslovanje uz poštivanje svih zakonskih regulativa

Dugoročni benefiti koje je moguće ostvariti korištenjem našeg softverskog rješenja:

- ✓ Veće zadovoljstvo korisnika
- ✓ Ugodna radna atmosfera
- ✓ Povećanje produktivnosti uposlenika
- ✓ Jasan i precizan uvid u cjelokupono poslovanje organizacije
- ✓ Povećanje profita organizacije

Odlukom da nam ukažete Vaše povjerenje zasigurno ćete unaprijediti vaše poslovanje i biti u stanju da uživate mnogobrojne prednosti koje Vam naše rješenje nudi. Najvažnije **karakteristike korištenja našeg sistema** su:

- Brz i efikasan način upravljanja i praćenja stanja zaliha kao i njihovu evidenciju.
- Potpuno automatizovan proces kreiranja i izdavanja računa.
- Jednostavnost i brzo savladavanje korištenja sistema.
- Prilagođeni izvještaji koji daju uvid u specifične aspekte poslovanja za traženi vremenski period.
- Potpuna kontrola ostvarenog prometa za bilo koji vremenski period.

- Integraciju sistema sa fiskalnom kasom i slijeđenje procedura nadležne Poreske Uprave.

Osim prethodno navedenog, uvjereni smo da bi korištenjem ponuđenog informacionog sistema povećali svoj profit a što bi vam na koncu omogućilo i proširivanje poslovanja i zapošljavanje još dodatnog broja radnika. Također, posljedica korištenja sistema je i bolja organiziranost a samim time i lakše vođenje poslovnih procesa, budući da sistem donosi i značajnu uštedu u vremenu. Uvjereni smo da navedene prednosti i koristi sistema mogu biti ključalni u dugoročnom planiranju razvoja i poslovanja vaše organizacije.

O NAMA...

ICTSolutions je firma koja se bavi dizajnom i razvojem softvera kako na našem tako i na inostranom tržištu. Naša firma pored ureda u Sarajevu ima ured u Beču, Berlinu i Zagrebu. ICTSolutions je firma osnovana 2009. godine i od tada bilježi konstantan finansijski rast i stručno napredovanje. U periodu od osnivanja upješno smo uradili veliki broj projekata. Međutim, oblast za koju smo usko specijalizovani jeste razvoj softvera za preduzeća čije se poslovanje usko veže za fiskalni sistem, odnosno funkcionalnosti fiskalnog sistema, pri čemu je bitno istaći da je naš tim inženjera razvio programsko rješenje za kase velikog trgovinskog lanca "Bingo".

Potrebe naših klijenata su na prvom mjestu, pa s obzirom na to zapošljavamo najbolje softverske inženjere i tako nastojimo stvoriti idealno radno okruženje. Naši inženjeri imaju zavidno iskustvo na raznim platformama i razvojnim okruženjima. Ove činjenice nam omogućavaju stvaranje novih proizvoda uz pomoć najnovijih tehnologija i metodologija na jednostavan i brz način i pri tome po vrlo pristupačnim cijenama. Softverska rješenja koja mi pružamo su jedinstvena i prilagođena klijentima.

Da smo korak ispred svih pokazuje činjanica da puno ulažemo u edukaciju i unapređivanje naših zaposlenika.

Ozbiljan i studiozan pristup svakom projektu, aktivan i neposredan odnos sa klijentima, konstantno i svakodnevno praćenje i implementacija najnovijih tehnologija kroz različite projekte i proizvode, učinile su da budemo prepoznati kao kvalitetan i pouzdan partner.

Ono što nas čini posebnima u oblasti našeg poslovanje jeste visok kvalitet isporučenih rješenja i uspješno održavanje sistema kroz duži vremenski period. Povjerenje naših klijenata opravdavamo tako što smo dostupni za sva pitanja kako putem telefona, tako i putem e-mail adrese.

Cijena sistema(uključeno održavanje): 10.000 KM

Garancija i održavanje: 2 godine

Vrijeme realizacije projekta: 45 dana

Samo efikasno rješenje može odgovoriti na sve Vaše poslovne potrebe i zbog toga smo mi tu. Nadamo se da ćemo upravo mi biti Vaš izbor.